

Հ.ՀԱՅՐԱՊԵՏՅԱՆ

ԳԱՅԼ ՎԱՀԱՆ

ՊԱՏՄԱԿԱՆ ՊՈԵՄ



ՀԱՅ ԴԵՏՀՐԱՆ

881.89-93

5001

2-30 | Загнаныг тусгаж, 2.

Чулуун:

20.104.

✓
Հ. ՀԱՅՐԱՊԵՏՅԱՆ

891.99-93

Հ-30

ՍՏՈՒԴԱՍԻ Է 1961 թ.

Գ. Ա. ՅԼ Վ. Ա. ՀԱՆ

ՊԱՏՄԱԿԱՆ ՊՈԵՄ

A II
30620

5001



ՀԱՅՊԵՏՐԱՏ

ՄԵԼՆԵՄ ԿԿ ԿԻՑ ՄԱՆԿԱՊԱՏԱՆԵԿԱԿԱՆ ԳՐԱԿԱՆՈՒԹՅԱՆ ԲԱԺԻՆ
Ե Ր Ե Վ Ա Ն

1943

Շապիկը եւ իւրատրացիաները
ժողովրդական նկարիչ Հ. ԿՈՅՈՅԱՆ


Պատ. խմբագիր՝ Դ. Դեմիրճյան

ՎՖ 01065. Պատվեր 254, Տիրաժ 3000. Տպագրական 1,1 մամլ.

Ստորագրված է տպագրության 16/1V

Հայկ. տէրատի տպարան, Երևան, 1943





Ա.

Մուշեղ իշխանը, ցեղից Մամիկոնի
 Մարգարան էր վաղուց երկրում հայրենի:
 Հաղթանդամ էր նա և լայնաթիկունք,
 Հասակը բարդի, սևորակ աչք—ունք:
 Նրա աղեղը երկար, հաստափող
 Չէր կարող ձգել աշխարհում ոչ ոք:
 Քանի՛—քանի՛ նենդ ու չար թշնամի
 Մտել էր Տարոն՝ թալանի, տանի,
 Բայց քաջ Մուշեղի թուրը երկսայրի
 Պաշտպան էր կանգնել երկրին հայրենի:
 Բայց ի՞նչ կա արդյոք հավիտենական
 Վառ արևի տակ թարմ ու տևական.
 Չմոռն օրերը մոռյալ ու լացկան
 Եկան, հերոսի դլխին էլ իջան:
 Մտածում էր նա. ո՞ր քաջը պիտի
 Մահվանից հետո իրեն հաջորդի,
 Որ սանձահարմի վայրագ թշնամին...
 Ու կանչեց իր մոտ նա Գայլ Վահանին:
 Վահան իշխանն էլ քաջ էր, անվեհեր,
 Թշնամու առաջ վիզը չէր թեքել,
 Իրրե անսահման քաջության նշան
 «Գայլ» անունն էին պարզեկ նրան:
 — Որդյակ իմ Վահան, — քաջ Մուշեղն ասաց. —

Իմ անցյալ կյանքը հայտնի է քեզ քաջ:
 Տարիքս հարյուր քսան է արդեն,
 Ո՛չ մի թշնամի չի հաղթել ինձ դեռ:
 Ութսուն և երեք մարտ եմ ես մղել,
 Բոլոր մարտերում հաղթող եմ եղել,
 Սլաքով եմ սրբել արյունը դեմքիս,
 Որ քրտինքի տեղ իջել է ճակտիս:
 Եվ ազնիվ ցեղից մեր Մամիկոնյան
 Ձի՛ եղել երբեք ոչ մի դավաճան:
 Մեր հայրենիքի պատիվը, որդիս,
 Միշտ բարձր եմ դասել ես ամեն բանից:
 Ով հայրենիքի համար է մեռնում,
 Նա հուր-հավիտյան անմահ է մնում:
 Հիմի ես ծեր եմ, թույլ ու դողդոջուն,
 Ձայնս մարտերում ուժեղ չի հնչում:
 Դու ես, սիրելիս, օգնականը իմ,
 Ինքըդ էլ գիտես, որ ժառանգ չունեմ:
 Իմ որդին մեռավ քսան տարեկան,
 Որ հայրենասեր ու քաջ էր այնքան:
 Իշխիր մեր երկրին իմ մահից հետո,
 Եվ այնուհետև՝ ժառանգները քո:
 Գիտցիր, իմ կարիճ, որ արքան պարսից
 Վաղուց, չառ վաղուց թշնամի է ինձ:
 Ուղարկել է նա Միհրան իշխանին,
 Որ դա, տիրանա Տարոնո երկրին,
 Հուր ու սուր փռի, արյուն, արտասուք,
 Եվ գերի տանի մայրեր ու մանուկ,
 Շղթա դնի իմ ոտին ու ձեռքին,
 Տանի Պարսկաստան, մատնի տանջանքի:
 Նենգ, խարդախ է նա, զորքերն անհամար,
 Մի չար պատուհաս մեր երկրի համար:
 Ես այսպես ասի Միհրանին այն նենգ.
 «Հայոց աշխարհից ելեք, հեռացեք,
 Էլ մի զարթեցնեք առյուծին քնած,
 Կատաղի գայլին՝ բարձր կորցրած:
 Նա, ով որ ութսուն հազարին հաղթեց,

Քեզ էլ կհաղթի, ի՞նչ մի բան է մեծ»:
 Չեմ ուզում թափվի ես անմեղ արյուն,
 Այլեր, ամերած լինի մեր երկրում:
 Գնա՛ նրա մոտ, ասա՛ ու խոսիւր,
 Քո իմաստությամբ նրան համոզիր:
 — Ես է՛լ, ո՛ւր իշխան, հայր իմ թանկագին,
 Չեմ զաւաճանի իմ հայրենիքին:
 Ես էլ մեռնելը, սրբազան մարտում,
 Ամեն մի բանից վեր եմ համարում:
 Թեև ութսուն ութ տարեկան եմ ես,
 Բայց դեռ կռւում եմ ջահելներին պես:
 Շատ Միհրաններ են եկել, զնացել,
 Արյան հեղեղ է մեր երկրով անցել,
 Բայց մեր աշխարհի ժողովուրդը քաջ
 Երբեք չի չոքել թշնամու առաջ:
 Երգւում եմ իշխան, պատվով իմ երկրի,
 Որ պարսիկը մեր հողին չի տիրի:
 Թող նենգ Միհրանը ասի ու խոսի,
 Իշխանի գլխից մի մաղ չի պակսի:

Բ.

Ասաց Վահան, ելաւ իսկույն
 Քաջ Մուշեղից բաժանվեց
 Եվ մի գետալան պարսից իշխան
 Միհրանի մոտ ուղարկեց:
 Երբ դեսպանը գնաց, հասաւ
 Իշխանական վրանին,
 Գլուխ տվեց, այսպես ասաց
 Պարսից իշխան Միհրանին.
 — Իշխանը մեր՝ քաջն Վահան,
 Պատվիրեց ինձ՝ ասեմ քեզ.
 «Արի հաշտվե՛նք, ել ու գնա,
 Մի՛ ապառնա զորքով մեզ»:
 Եվ բորբոքվեց Միհրանը չար
 Աւ հայհոյեց դեսպանին.

— Գնա՛, — ասաց, — ասա նրան,
 Ձեր նորարույս իշխանին.
 «Մինչև որ դու չղթայակապ
 Ինձ չհանձնես Մուշեղին,
 Ձե՛մ հեռանա այս աշխարհից,
 Ես ոսոխն եմ ձեր ցեղի»:
 Երբ ստացավ Վահանը քաջ
 Պատասխանը Միհրանի,
 Մտքում դրեց ելնի, դնա
 Պարսից զորքը կոտորի:
 Մուշեղին նա տարավ, փակեց
 Ամբոցի մեջ Ողական,
 Իսկ Միհրանին նամակ դրեց
 Եվ ուղարկեց մի դեսպան:
 «Քա՛ջդ Միհրան, վեհ ու անպարտ, —
 Գրել էր նա նամակում, —
 Այսօրվանից իմ տիրոջ հետ
 Մի պայման եմ ես կնքում:
 Կհանձնեմ քեզ ես Մուշեղին
 Ոտն ու ձեռքը չղթայված,
 Թե ինձ հանձնես այս երկիրը
 Մատանիով հաստատված:
 Ես էլ շուտով կգամ քեզ մոտ
 Թե ու թիկունք լինելու,
 Ինձ թշնամի իշխաններից
 Անհաղ զրեթ լուծելու»:
 Կարգաց Միհրան այս նամակը,
 Տվեց իսկույն պատասխան.
 «Գնա՛, ասա քո տիրոջը
 Համաձայն եմ ես, իշխան»:

Գ.

Ընդառաջ դնաց Միհրանը զորքով
 Ընդունեց նրան մարտական կարգով:
 — Այսուհետև մենք եղբայր ենք, Վահան»:

Ո՞ր քաջը կենի էլ մեր հանդիման,—
 Ասաց Միհրանը, ժպտոք դեմքին,
 Նստելով հայոց իշխանի կողքին:—
 Դու նախ տիրացիւր Աստղոն ամրոցին,
 Կազմ ու պատրաստ է վաղուց այրուծին:
 — Ո՛չ, աեր իմ Միհրան, չի լինի այդպիսի
 Արդեն ամեն ինչ մտածել եմ ես:
 Պետք է տիրանալ նախ Օձ քաղաքին,
 Այնտեղ է պահված Մուշեղի ոսկին:
 Տուր ինձ չորս հազար ընտիր այրուծի,
 Չի մնա տեղում մոխիրը Օձի:
 — Թող այդպես լինի, եղբա՛յր իմ անգին,
 Հա՛վատում եմ ես քո առած խոսքին:
 Այրուծին առած փութով սլացավ
 Եվ Օձ քաղաքի դարպասին հասավ:
 Տեսան՝ փոքրիկ է դարպասը, նեղլիկ,
 Չեն կարող անցնել խմբովին մարդիկ:
 Եվ զորքը մեկ-մեկ անցավ դարպասով,
 Դիմավորեցին նրանց մերկ սրով:
 Մերկացրին նրանց, մորթեցին մեկ-մեկ,
 Կտրած քթերը լցրին պարկի մեջ:
 Մուրհանդակ դնաց իշխան Միհրանին,
 Թե Օձ քաղաքը դիմադրեց զորքին,
 Ուղարկիր էլի այրուծի, որ մենք
 Գրոհի դնանք, քաղաքին տիրենք:
 Եվ երկու հազար այրուծի կրկին
 Գնաց ու հասավ նույն Օձ քաղաքին:
 Այդ երկու հազար այրուծին կրկին
 Արժանի եղավ ճիշտ նույն վիճակին:
 «Յնձա՛, եղբայր իմ, Օձին տիրեցինք,
 Մեր ուժի առջև ի՞նչն է անառիկ:
 Վեց հազար հոգու հարվածների տակ
 Հսկա քաղաքը դարձավ ավերակ:
 Ունենալու ենք ցնծության հանդես,
 Պետք է անպատճառ դատ ու մասնակցեա:
 Փառք մեզ ստեղծող անմահ Որմդղին»:

Այսպիսի նամակ հասաւ Միհրանին:
 Ելաւ Միհրանը ցնծությամբ լցւած,
 Հայոց իշխանի պալատը դնաց,
 Գրկեց, համբուրեց մեր քաջ Վահանին:
 Եւ ուրախության, խնդության պահին
 Քթերով լիքը պարկերը բերին,
 Պարսիկ իշխանի առջևը դրին:
 Միհրանը գոչեց.— Այս ի՞նչ է, իշխան,
 Ասա, այս ի՞նչ է, տուր ինձ պատասխան:
 — Չե՞ս ճանաչում դու: Քթերն են զորքիդ,
 Կուղե՞ս, համարիր՝ Վեց հազար է ճիշտ:
 Դու ուզում էիր Մուշեղ իշխանին
 Շղթայած հանձնել պարսից արքայի՞ն,
 Դու կարծում էիր իմ երակներում
 Նենդ դավաճանի արյո՞ւն է եռում,
 Դու կարծում էիր, թե մենք օտարին,
 Նենդ բռնակալին կլինենք գերի՞...
 Ա՛ռ քեզ, մարդակեր, ա՛ռ, մի զարկ էլ քեզ,
 Դո՛ւ էլ չքացիր քո զորքերի պես:
 Ասաց, ու տեղը մի զարկով ուժգին
 Մխեց բռնակալ Միհրանի կրծքին,
 Ապա գլուխը մարմնից բաժանեց,
 Պարսից արքային «նսկեր» ուղարկեց:
 Չէ՞ որ Մուշեղը ասել էր. «Վահան,
 Քո իմաստությամբ դու որսա նրան»:

Դ.


Երբ որ տեսաւ Խոսրով արքան
 Դլուխը իր իշխանի,
 Կատաղություն իջաւ վրան
 Եւ մտածեց՝ ի՞նչ անի:
 Ապա կանչեց մի զորավար,
 «Գնա՛, — ասաց, — քաջ Վախթանդ,
 Շուտով հասիր դու Հայաստան
 Տարոնն արա քարուքանդ:

Ելալ Վախթանգ, կարգի բերեց
 Իր զորքերն ու զորական
 Եվ երեսուն հազար հոգով
 Ճամփա ընկալ Հայաստան:
 Երբ Վախթանգը եկալ, հասալ
 Ապահունյաց գավառին,
 Մի այսպիսի նամակ գրեց
 Հայոց Վահան իշխանին.
 «Ողջո՛ւյն Հայոց մեծ իշխանին
 Քաջաբազուկ և արի,
 Դու եկ ու իմ ասածները
 Ճշմարտությամբ կատարիր:
 Թեև Միհրան եղբորորդուս
 Մահվան վրա վշտացա,
 Բայց քո հզոր իմաստության,
 Խելքի վրա զարմացա:
 Խաղաղությամբ ու սիրով եմ
 Այս աշխարհը ես եկել,
 Կարող ես դու այսուհետ էլ
 Վառավարել անարգել:
 Միայն թե եկ ու երդում տուր,
 Որ հարկ կտաս արքունի,
 Միշտ կլինես հեղ, հնազանդ
 Ինձ ու պարսից արքային»:
 «Ողջո՛ւյն պարսից մեծ իշխանին
 Անմիտ, ստոր, թույլ ու վատ,—
 Այսպես գրեց Վահանը իր
 Ախոյանին զորավար:—
 Թեև Միհրան եղբորորդուդ
 Մահվան վրա խնդացի,
 Բայց քո ստոր անմտության
 Վրա սաստիկ ես լացի:
 Թե մտել ես երկերը մեր
 Ուրախությամբ ու սիրով,
 Ինչո՞ւ ամբողջ ես կառուցում,
 Զորք ես բերել հազարով:

Քեզ նման նենգ, սուր մարդիկ
 Շատ են անցել մեր երկրով,
 Անցել են չառ թշնամիներ
 Նիզակներով ու սրով,
 Մեր արյունը դեռ է դառել
 Դիակներն էլ՝ մեծ լեռներ,
 Ամայացել են բազմաթիվ
 Քաղաքներ ու ավաններ,
 Բայց հայր միշտ դուրս է եկել
 Սուր ու վահանը ձեռքին,
 Պաշտպանել է երկիրը իր,
 Չի՛ խոնարհվել օտարին:
 Գիտեմ, որ դու խաբում ես ինձ,
 Բայց ահ հունեմ քեզանից,
 Ե՛լ ու գնա, թե չես ուզում
 Մահ ստանալ ինձանից»:

Ե.

Բարկացավ սաստիկ իշխանը Վախթանգ,
 Կազմեց այրուձի թվով ութ հազար
 Եվ հրամայեց, որ գնան չուտով
 Տարոնը անեն գետնին հախտար:
 Գուժկաններ եկան Արջունց իշխանից,
 Թե պարսից զորքը Տարոն է դալիս:
 Սուրհանդակ գնաց Վահան իշխանից
 Հարեան բոլոր հայ իշխաններին,
 Թե՝ «Չաբ թշնամին կովի է գալիս,
 Եկեք միասին քենք օտարին:
 Լավ է մահանալ հասակով կանգնած,
 Քան թե կյանք վարել միշտ ծնկի եկած»:
 Քաջն Վահանին օգնության եկան,
 Առած այրուձի, զորք ու զորական,
 Հաշտենից իշխանը երեք հազարով,
 Արջունց իշխանը երկու հազարով,
 Պարունյաց իշխանը երեք հազարով,
 Եղնուտա իշխանն իր հինգ հազարով,



Որդին՝ Սմբատը, իր վեց հազարով:
 Դուրս եկավ Վահան անվեհեր ու քաջ
 Կանգնեց բովանդակ զորքերի դիմաց,
 Ասաց. «Լսեցե՛ք զորք ու զորական,
 Քաջերի համար պարտություն չկա:
 Վտանգի տակ է հայրենիքը մեր
 Եվ արյան գնով պետք է պաշտպանել:
 Եվ այս սրբազան ու ահեղ մարտում
 Դուք չխնայեք անարդ թշնամուն:
 Դե՛, չուտով ելնենք մենք անվախ ու քաջ
 Մեր հայրենիքի թշնամու առաջ»:
 Այրուծին իսկույն առաջ սլացավ
 Գետի ջրերը ճեղքեց ու անցավ:
 Բորբոքվեց մի թեժ, կատաղի կռիվ,
 Սարսեց ու դողաց թշնամին անթիվ:
 Իսկ երբ Հաչատենից իշխանը արի
 Կտրեց գլուխը նենգ զորավարի,
 Հինգ հարյուր հոգի մահից ազատված
 Փախան, դենքերը դաշտերում թողած:

2.

Կատղած ու փրփրած Վախթանգը կրկին
 Սասաիկ հրաման տվեց իբ զորքին.
 «Ասուր զորավար, տար տասը հազար
 Տարոնը դարձրու գետնին հավասար»:
 Եկավ Ասուրը կատղած ու ցասկոտ
 Եվ բանակ դրեց Մեղտի գետի մոտ:
 Վեց հազար զինվոր և որդուն առած
 Վահանն Ասուրի զորքի գեմ գնաց:
 Առավոտ էր դեռ տոթաշունչ ամրան,
 Երբ որ զորքերը իրար դեմ առան:
 Միայն Մեղտին էր անցքերին վկա,
 Սակայն արյունոտ դեպքին անդգա,
 Հրաժեշտ էր տալիս ու երգում երգեր.
 «Մնաք բարով իմ սիրունիկ ափեր»:

Խառնվեցին իրար, աղաղակ ու կանչ

Ձիերի խրխինջ, թրերի շառաչ...

— Ա՛յ դու կատաղի, չարաբարո Գայլ

Ա՛յ դու անամոթ ու դավաճան այր,

Գիտես՝ արքային պիտի ծառայես,

Ինչո՞ւ ես տանջում թե՛ քեզ և թե՛ մեզ։

Ուզես, թե չուզես, հարկ պիտ վճարես,

Թե չվճարես, կսատկես շան պես։

Այսպես ձայն տվեց Ասուր Վահանին,

Հայոց զորքերի քաջ զորավարին։

— Այո՛, դայլ եմ ես, չարամի՛տ Ասուր,

Իմ առջև թե դու, թե մի քոսոտ ուլ։

Որքան զորք բերեք դուք իմ հանդիման,

Գայլի պես կուտեմ առաջվա նման։

Պատասխան տվեց Ասուրին Վահան

Եվ սլանալով հարձակվեց վրան։

Սակայն Վահանի տեղից սարսափած,

Ասուրը խկույն սլացավ, գնաց։

Նրա դեմ ելավ Վահանի որդին՝

— Այդ ո՞ւր ես փախչում, ա՛յ դեի որդի։

— Հեռու ինձանից, ա՛յ հարճի որդի,

Մանուկի հետ ո՞նց դուրս գամ ես մարտի։

— Հենց այդ մանուկից դու մահ կստանաս, —

Գոչեց Սմբատն ու թուրը պտտեց։

Ասուրի ձիու գլուխը թռավ,

Ինքն էլ գլորվեց ու գետին ընկավ։

Եվ քաջ Սմբատի թրի հարվածով

Ասուրի գլուխն էլ գլորվեց դաշտով։

Հենց այդ միջոցին ձայն լսվեց հեռվից՝

— Ո՞ւր ես, իմ որդյակ, տե՛ս, նեղում են ինձ,

Տասը հոգի են դուրս եկել իմ դեմ,

Ուժս չի պատում նրանց դեմ կովեմ։

Եվ սրաթուիչ արծվի նման

Դուրս եկավ Սմբատ տասին հանդիման,

Ասուրի որդու գլուխը կտրեց,

Թշնամու զորքը կոտորեց, ցրեց։



Եոր թափ ստացալ վահանը կրկին,
 Փախուստի մասնեց թշնամու գորքին
 Եւ ութ հազարից միայն քչերը
 Փախան, երբ իջալ խաւար գիշերը:
 Իջալ խաւարը մութ ու սևորակ,
 Արյուն ու գիակ առնելով իր տակ:
 Եւ գիշերային խաւարի միջում
 Կույր բուն էր միայն հուսահատ ճշում,
 Մեղաին էր անվերջ հոսում ու երգում,
 Վերալորները ցավերից տնքում:

Է.

Երբ որ վահանը տուն վերադարձաւ
 Ողջ ժողովուրդը ընդառաջ ելաւ:
 Պարով ու երգով շրջան կազմեցին,
 Փառքի ու գովքի երգեր երգեցին.

«Ասերբից վայրի
 Գազաններ իջան,
 Պարսից լեշերը
 Կերան, գիրացան:
 Կղաքիան այնքան
 Մարդու միս կերաւ,
 Որ մի ահագին
 Արջի չափ դառաւ:
 Անդդներն այնքան
 Կերան, կշտացան,
 Որ էլ վերանալ
 Չկարողացան:
 Հսկարտ աղվեսը
 Շատ միս ուտելուց
 Ուռեց ու գառաւ
 Մի հսկա առյուծ:
 Գայլը չառակեր
 Այնքան միս լափեց,
 Որ գետին ընկաւ

A II
30620



Եվ իսկույն պայթեց:
Մկներն էլ այնքան
Լեշեր կրեցին,
Որ ոտիկները
Իսպառ մաշեցին...
Կեցցե՛ մեք հզոր
Իշխան Գայլ Վահան,
Տարոնո երկրի
Հերոս աննման...

Քաջ Գայլ Վահանի
Վերջին մարտն էր սա,
Դրանից հետո
Շուտով մահացավ:
Սուգ ու վիշտ պատեց
Հայոց աշխարհին,
Երբ քաջ իշխանին
Հանձնեցին հողին:
Նրան հաջորդեց
Իր Սմբատ որդին՝
Կտրիճ զավակը
Իր ժողովրդի:

Պայլ Վահանի պես անհաղթ հերոսներ
Հայ ժողովուրդը չառ է ունեցել:
Եվ ահա, հիմա, երբ այս օրերում
Արդար, սրբազան մարտեր ենք վարում,
Երբ հայ հերոսն էլ շատերի կողքին
Վիզը չի թեքում Փաշիստի գեներին,
Երբ իր արյունը, կյանքը թանկագին
Նվեր է բերում իր հայրենիքին,
Այդ հերոսների երակների մեջ
Մեր հին քաջերի արյունն է անշեջ,
Որ բորբոքվում է, հուզվում ու եռում,
Երբ հայրենիքին վտանգ է սպառնում...


ԳԱԱ Հիմնարար Գիտ. Գրադ.



220030620

(064)

ԳԻՆԸ 2 Ռ. 10 Կ.



40000

Ա. Այրապետյան
ՎՕՂԿ ՎԱԳԱՆ
(Նա արмянական լայնե)
Արմգիզ, Երեւան, 1943